


Ballpark y Centro di Reaccion y Deporte di Mabon
Ehempel concreto con comunidad y Gobierno
por traha hunto pa desaroyo positivo den un bario





ORANJESTAD (AAN): E construccion di e Ballpark y Centro di Recreacion y Deporte na Mabon, ta den su etapa final di ehecucion y tur hende por a mira y conoce di serca e tremendo resultado final cu e centro aki lo bay bira.

Un proyecto fantastico cu ta cumpli cu necesidadnan deportivo y recreacional di e barrio y cu lo bay bira un ehempel pa otro barionan rond Aruba.

No solamente e proyecto final lo sirbi como ehempel di un centro adecuado pa otro barionan, pero henter e estructura con a yega na financiamiento y construccion di e centro aki, ta ehempel concreto con comunidad y Gobierno por traha hunto na

interes y desaroyo positivo den barrionan.

Noord Cura cabay Ballpark ta un fundacion cu tin basta aña di existencia y trahando como un fundacion, a inverti mas cu 100.000 Florin den construccion di e parke di softball y demas facilidadnan



cu tabatin mester pa un tereno di bala.

Tanto den drechamento di e tereno como trahando riba cura di e tereno pa pone apto pa hunga bala ariba, a bin exigi inversionnan grandi di e fundacion akina Mabon.

Despues hunto cu Gobierno AVP-OLA a envolvi e proyecto aki hunto cu Plan di Barrio y e resto di facilidad a keda diseña y construi.

Awe e centro ta conta c'un tereno di basketball cu ta multifuncional, un tereno di softball, un seccion pa recreacion y weganan, y espacio pa cana y hunga pa tur hende den e bario.

Tambe di seccionnan di baño y lugar pa cambia paña, pues un centro realmente funcional pa tanto actividadnan recreativo, deportivo y social.

Awor e barrio di Mabon tin un centro sumamente practico na su disposicion y cu ta musta riba un centro ideal pa demas barionan.

Aki a keda comproba cu comunidad y Gobierno por traha hunto pa yega na ehecucion di un proyecto cu ta sirbi interes di e comunidad den e bario.

Riba e fotonan por mira e centro impresioante aki cu sin duda algun ta percura pa recreacion sano pa tur hende di Mabon.